



# HJELMELAND KOMMUNE

## VEDTEKTER FOR SKULEFRITIDSORDNINGA (SFO) I HJELMELAND KOMMUNE

Revidert januar 2019

### **§ 1 LOV OG RETNINGSLINER**

Skulefritidsordninga (SFO) i Hjelmeland kommune skal drivast i samsvar med §13-7 i opplæringslova med tilhøyrande forskrift og etter retningslinjer vedteke av kommunestyret, samt dei krav som gjeld for tildeling av statstilskot. Vedtektene skal fastsetjast av kommunestyret. Private ordningar skal godkjennast av kommunen.

### **§ 2 EIGARFORHOLD**

Hjelmeland kommune eig og driv skulefritidsordninga på skulane. Formannskapet er ansvarleg styringsorgan, og ordninga er administrativt underlagt rådmannen.

### **§ 3 LEIING OG ANSVAR**

Rektor er pedagogisk og administrativ leiar for skulen si skulefritidsordning.

SFO skal dessutan ha ein dagleg leiar som skal ha relevant pedagogisk- og fagleg utdanning. Leiar skal saman med det øvrige personalet i SFO driva SFO i samsvar med §13-7 i opplæringslova.

Leiar skal møta i SU med tale- og forslagsrett i saker som gjeld SFO.

Dersom foreldrerådet finn det ynskjeleg, skal foreldrearbeidsutvalet (FAU) supplerast med ein av foreldra til barn i SFO.

SFO skal utarbeida årsplan som skal godkjennast av SU.

### **§ 4 BEMANNING**

- Reglane i opplæringslova §10-9 gjeld krav om politiattest for tilsetjing.
- Gruppestorleik:
  - Inntil 9 born: 1 vaksen
  - 10-25 born: 2 vaksne
  - 26-45 born: 3 vaksne.I tillegg kjem personar til eventuelle styrkings- og tryggleikstiltak, på lik line som dei har i skuletida.

### **§ 5 ORGANISERING**

SFO vert organisert til skular og vert oppretta når minst 7 barn vert søkt plass for i kvar krins. I krinsar med få søkjarar, kan desse få tilbod i barnehagen dersom tilhøva ligg til rette for det. Det skal leggjast til rette for SFO både før og etter skuletid, i den grad det er etterspurnad etter tilbodet.

### **§ 6 OPPHALDS- OG OPNINGSTID**

- SFO har kjernetid frå kl 07.30 til kl 16.15 fem dagar i veka. Utover dette må det søkjast spesielt.
- SFO held stengt på plandagar. Det skal setjast av 5 plandagar i løpet av skuleåret.
- Ein kan søkje om følgjande opphaldstider pr. veke:
  - Opphald 0-6 timar (0-6,0)
  - Opphald 6-10 timar (6,01-10,0)
  - Opphald 10-14 timar (10,01-14,0)
  - Opphald over 14 timar (14,01 +)
- Barna skal ha minst 4 veker ferie i året.
- SFO-tilboda i kommunen held stengt 4 veker i juli. Utover dette skal alle SFO-tilboda i kommunen ha ope, forutsett at følgjande punkt vert oppfylt:  
Det må vera minst tre (3) deltakarar for å oppretthalda eit tilbod i SFO sine lokaler. Dersom det er 1-2 søkjarar, får desse tilbod om plass i ein annan SFO.

Dersom særskilte grunnar tilseier det kan reglane over fråvikast. Dette må i tilfelle skje etter grunnngjeven søknad via rektor til kommunalsjef for oppvekst.

## **§ 7 FORELDREBETALING**

- Foreldrebetaling vert fakturert etter innmeldt behov og for det timetalet dei bestiller.
- Betalingsattsane vert gradert etter den opphaldstida ein søker om:  
0-6 timar, 6-10 timar, 10-14 timar eller over 14 timar pr. veke.
- Betaling for mat pr. måned kjem i tillegg til betaling for opphald.
- Når det er plass kan det kjøpast opphaldstid for enkle dagar. Dette gjeld berre for barn med plass i SFO.
- Ved kjøp av ekstra tid må ein gjere avtale med den einskilde SFO. Det er opp til den einskilde SFO å vurdere dette ut i frå plass og kapasitet.
- Foreldrebetaling skjer forskotsvis per måned.
- Betalingsåret er 10 månader. Juli er fritaksmånad og ein betalar for bruk i august.
- I skuleferiane vert betalinga rekna ut frå enkeltdagar med fråtrekk for allereie kjøpt tid i SFO.
- Ein må betale for tida ein har bestilt i feriar sjølv om den ikkje vert nytta.
- Foreldre/føresette med låg inntekt skal kunne søkje om redusert foreldrebetaling for SFO. Inga hushald skal betale meir enn 6 prosent av inntekta si for ein SFO-plass (opphald). Det krevjast handsaming av søknad med dokumentasjon for å få innvilga slik reduksjon.

Betalingsattsane for opphald og mat i SFO blir kvart år vedteke av kommunestyret i samband med budsjetthandsaminga.

## **§ 8 OPPTAKSKRITERIUM**

Opptak skjer i samsvar med opplæringslova § 13-7.

Kommunen skal ha eit tilbod om skulefritidsordning før og etter skuletid for 1.-4. årstrinn, og for barn med særskilde behov på 1.-7. årstrinn.

## **§ 9 OPPTAK**

Hovudopptaket skjer i vårhalvåret, med søknadsfrist 1. mars.

Barnet som får opptak i SFO har denne plassen til han/ho går ut av 4. trinn, dersom ikkje det vert søkt om endring eller plassen vert sagt opp.

Opptaket kan og skje midt i eit skuleår.

Rektor er opptaksinstans.

## **§ 10 KLAGE**

Formannskapet er klageinstans. Klage på opptak skal sendast via rektor til rådmannen. Klagefristen er tre veker frå motteke melding om opptak.

## **§ 11 OPPSEIING AV PLOSS**

Oppseiing av SFO-plass må skje skriftleg og med tre (3) månadar varsel. Dette gjeld og ved oppseiing av deler av plassen (endring til lågare opphaldstid). Ein betaler for oppseiingstida. Etter 1.april må ein betale ut skuleåret. Endring og oppseiing av plass skal skje gjennom oppvekstportalen.

## **§ 12 LEIKE OG OPPHALDSAREAL**

Leike- og opphaldsarealet til SFO skal vera tilpassa dei aktivitetane som skal drivast.

## **§ 13 FORSIKRING**

Skader som oppstår under opphald i SFO, er omfatta av folketrygdlova som yrkesskade når skade skjer på skulen sitt område og på dei dagane det er undervisning på skulen. Skader som ikkje vert omfatta av folketrygdlova, vert dekkja av kommunen sine eigne forsikringar.